

IOANNIS LANIGAN

CASSILIENSIS HIBERNI

S. TH. D. ET IN ACAD. TICINENSI

SACR. LITT. PROFESSORIS

INSTITUTIONUM BIBLICARUM

P A R S P R I M A

QUA CONTINETUR HISTORIA

LIBRORUM SACRORUM VETERIS

ET NOVI TESTAMENTI

VOLUMEN I.

*Abbas Magdaleno
16. v.*

T I C I N I

IN TYPOGRAPHEO BALTHASS. COMINI

CENSORIE. REI LITTER. PERMITT.

ANNO MDCCXCIII.



JOSEPHO
S. R. I. COMITI. DE. WILZECK
EQVITI. AVREI. VELLERIS
FRANCISCI II. AVG
A. CVBICVLO. A. CONSILIIS. PENITIORIBVS
PRAEFECTO. PVBLICI. CVRSVS
IN. INSVBRIA. CAESARIS. AVG
PER. ITALIAM. S. R. IMP
CVM. PL. POT. ADMINISTRO
OPTIMORVM. STVDIORVM
CVLTORI. ET. PATRONO
VIRTUTE. RELIGIONE. PIETATE
SPECTATISSIMO
OMNIBVS. BONIS. CARISSIMO

HVNC. LIBRVM
INSTITUTIONVM. BIBLICARUM

OBSEQVII. ET. GRATI. ANIMI. PIGNVS
IOANNES. LANIGAN
D. D. D.

HISTORIAE LIBRORUM SACRORUM

LIBER PRIMUS

CAPUT I.

De variis statibus populi Dei, atque de revelationibus, quas ab origine mundi usque ad praedicationis Evangelicae complementum Deus pro temporum diversitate hominibus tradere dignatus est.

§. I.

Cum Historiae librorum Sacrorum, quam contexendam aggredior, argumentum et scopus eo colliment, ut eorum intelligentia adiuvetur, non inepte me factum existimo, si ipsius exordium ducam a brevi delineatione oeconomiae, quam pro temporum rerumque varia conditione Deo in mysteriis suis, aeternisque legibus aequitatis humano generi declarandis adhibere placuit. Quippe Deus mentem suam juxta quosdam veluti gradus lucis et tenebrarum reseravit, quas dum revolvimus, tum integrum Scripturarum complexionem distinctius et accuratius perlustrare possumus, tum singulorum librorum Sacrorum indolem et sententiam clarius perspicimus. Cum enim SS. Litterae sibi invicem adeo arcte conglutinatae sint, ut antiquiores revelationes basim exhibeant, cui recentiores innitantur, istaeque vicissim illarum

Tom. F.

A

FIGVRAE VARIAEQVE FORMAE
LITTERARVM